



Šemsudin Mehmedović

Broj: 01- /26

Sarajevo: 22. 4. 2026. godine

PRIMLJENO:	23-04-2026		
Organizaciona jedinica	Klasifikaciona oznaka	Redni broj	
01-50-1-		121/26	

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23, 50/24 i 56/25) postavljam sljedeće

**ZASTUPNIČKO PITANJE ZA  
KOLEGIJ SEKRETARIJATA  
PARLAMENTARNE SKUPŠTINE BOSNE I HERCEGOVINE**

Potrebno je da dostavite kopije kompletne dokumentacije Nede Močević, koja je dostavljena Privremenoj zajedničkoj komisiji oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine, kao i tekst javnog konkursa za provođenje procedure imenovanja dva zamjenika generalnog revizora Ureda za reviziju institucija Bosne i Hercegovine i zapisnik 3. sjednice Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine.

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti u **roku od 30 dana** od dana kada je pitanje dostavljeno onome kome je upućeno. **Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona.**

*Obrazloženje*

„Transparency International u Bosni i Hercegovini“ uputio je 17. aprila 2026. godien dopis delegatima Parlamentarne skupštine Bosne i Hercegovine u kojem upozoravaju da je zakonitost mogućeg imenovanja Alena Halepa za direktora Agencije za prevenciju korupcije i koordinaciju borbe protiv korupcije upitna zbog njegovog radnog iskustva, odnosno da prema njihovim saznanjima predloženi kandidat Halep nije dokazao da ispunjava uslove propisane konkursom. Upravo iz navedenih razloga sam zastupničkim pitanjem tražio da se dostavi

dokumentacija koju je Alen Halep dostavio Komisiji za izbor praćenja rada Agencije za prevenciju korupcije i koordinaciju borbe protiv korupcije.

Mediji su istovremeno prenijeli da je na sličan način bilo ozbiljnih nepravilnosti prilikom provođenja konkursa i imenovanja Nede Močević, na poziciju zamjenice generalnog revizora Ureda za reviziju institucija Bosne i Hercegovine. Naime, navodi se da imenovana nije ispunjavala formalne uslove za ovu vrlo bitnu poziciju i da se Nedi Močević pogodovalo, jer je do trenutka imenovanje bila šefica kabineta Nebojše Radmanovića, tadašnjeg člana Kolegija Predstavničkog doma. Nermin Mandra, član Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine, izrazio je sumnju da kandidatkinja Neda Močević ne ispunjava uslove u pogledu radnog staža.

**Dalje se navodi da je tumačenje dao sekretar-koordinator u ime stručne službe da ista ispunjava sve uslove utvrđene konkursom, uprkos činjenici da Neda Močević ima samo devet godina radnog iskustva umjesto najmanje deset godina, pri čemu nema ni dana radnog iskustva u oblasti računovodstva i revizije.**

Zbog svega navedenog, postoje osnovi sumnje u nezakonito provođenja procesa konkursne procedure i samog imenovanja Nede Močević. Napominjem da je članom 213. stav (1) Zakona o krivičnom postupku propisano da su službena i odgovorna lica u organima vlasti u Bosne i Hercegovini dužna da prijave krivična djela o kojima su obaviješteni ili za koja imaju saznanja na drugi način.

Članom 6. Zakona o parlamentarnom nadzoru propisano je da zastupnici provode nadzor nad radom institucija Bosne i Hercegovine postavljanjem zastupničkih pitanja, **a članom 7. stav 2. istog zakona, utvrđeno je da se parlamentarni nadzor provodi radi preventivne zaštite od zloupotrebe položaja i ovlaštenja, materijalnih i finansijskih resursa.**

Zastupnici i delegati Parlamentarne skupštine Bosne i Hercegovine, kao i javnost, imaju pravo biti upoznati sa svim raspoloživim i objektivnim informacijama vezano za sva imenovanja koja provode Parlamentarna skupština Bosne i Hercegovine i Vijeće ministara Bosne i Hercegovine.

S poštovanjem,

ZASTUPNIK PS BiH  
Šemsudin Mehmedović

